

古人诗词歌赋里的春节



幽风图卷 清·姚文瀚作
丰收、庆贺新年到来的情景。

年年此夕费吟呻，儿女灯前窃笑频。
汝辈何知吾自悔，枉抛心力作诗人。

除夜寄弟妹

唐·白居易

感时思弟妹，不寐百忧生。
万里经年别，孤灯此夜情。
病容非旧日，归思逼新正。
早晚重欢会，羁离各长成。

隋宫守岁

唐·李商隐

消息东郊木帝回，宫中行乐有新梅。
沉香甲煎为庭燎，玉液琼苏作寿杯。
遥望露盘疑是月，远闻鼙鼓欲惊雷。
昭阳第一倾城客，不踏金莲不肯来。

守岁

唐·李世民

暮景斜芳殿，年华丽绮宫。
寒辞去冬雪，暖带入春风。
阶馥舒梅素，盘花卷烛红。
共欢新故岁，迎送一宵中。

守岁

宋·苏轼

欲知垂尽岁，有似赴壑蛇。
修鳞半已没，去意谁能遮。
况欲系其尾，虽勤知奈何。
儿童强不睡，相守夜欢哗。
晨鸡且勿鸣，更鼓畏添挝。
坐久灯花落，起看北斗斜。
明年岂无年，心事恐蹉跎。
努力尽今夕，少年犹可夸。

钦州守岁

唐·张说

故岁今宵尽，新年明旦来。
愁心随斗柄，东北望春回。

正月十五夜

唐·苏味道

火树银花合，星桥铁锁开。
暗尘随马去，明月逐人来。
游伎皆秣李，行歌尽落梅。
金吾不禁夜，玉漏莫相催。

己酉新正

元·叶颙

天地风霜尽，乾坤气象和；
历添新岁月，春满旧山河。
梅柳芳容徼，松篁老态多；
屠苏成醉饮，欢笑白云窝。

拜年

明·文征明

不求见面惟通谒，名纸朝来满敝庐。
我亦随人投数纸，世情嫌简不嫌虚。

元旦游曲(三首)

唐·张仲素

烟柳飞轻絮，风榆落小钱。濛濛百花里，
罗绮竞秋千。 骋望登香阁，争高下砌台。
林间踏青去，席上意钱来。 行乐三春节，
林花百和香。当年重意气，先占斗鸡场。

上元竹枝词

清·符曾

桂花香馅裹胡桃，江米如珠井水淘。
见说马家滴粉好，试灯风里卖元宵。

迎春

清·卢道悦

律转鸿钧佳气同，肩摩毂击乐融融。
不须迎向东郊去，春在千门万户中。

探春令·笙歌间错华筵启

宋·赵长脚

笙歌间错华筵启。喜新春新岁。菜
传纤手青丝细。和气入、东风里。 幡
儿胜儿都姑姊。戴得更吃戏。愿
新春以后，吉吉利利。百事都如意。

元日

宋·王安石

爆竹声中一岁除，春风送暖入屠苏。
千门万户曈曈日，总把新桃换旧符。

田家元日

唐·孟浩然

昨夜斗回北，今朝岁起东；
我年已强仕，无禄尚忧农。
桑野就耕父，荷锄随牧童；
田家占气候，共说此年丰。

元日

唐·李世民

高轩暖春色，邃阁媚朝光。
彤庭飞彩旆，翠幌曜明珰。
恭己临四极，垂衣驭八荒。
霜戟列丹陛，丝竹韵长廊。
穆矣熏风茂，康哉帝道昌。
继文遵后轨，循古鉴前王。
草秀故春色，梅艳昔年妆。
巨川思欲济，终以寄舟航。

次韵陆金宪元日春晴

明·王守仁

城里夕阳城外雪，相将十里异阴晴。
也知造物曾何意，底事人心苦未平。
柏府楼台衔倒影，茅茨松竹泻寒声。
布衾莫漫愁亸卧，积素还多待曙明。

元日有题

唐·崔道融

十载元正酒，相欢意转深。
自量麋鹿分，只合在山林。

庚辰元旦试笔

宋·舒岳祥

数我初生岁，今为第二年。
光阴六十过，行辈几人全。
试把新诗写，闲将好梦圆。
儿孙扶出拜，苏酒让渠先。

甲午元旦

清·孔尚任

萧疏白发不盈颠，守岁围炉竟废眠。
剪烛催干消夜酒，倾囊分遍买春钱。
听烧爆竹童心在，看换桃符老兴偏。
鼓角梅花添一部，五更欢笑拜新年。

玉楼春·己卯岁元日

宋·毛滂

一年滴尽莲花漏。碧井酴酥沈冻酒。
出寒料峭尚欺人，春态苗条先到柳。
佳人重劝千长寿。柏叶椒花芬翠袖。
醉乡深处少相知，只与东君偏故旧。

生查子·元夕

宋·欧阳修

去年元夜时，花市灯如昼。
月上柳梢头，人约黄昏后。
今年元夜时，月与灯依旧。
不见去年人，泪湿春衫袖。

元夕影永冰灯

清·唐顺之

正怜火树千春妍，忽见清辉映月阑。
出海蛟珠犹带水，满堂罗袖欲生寒。
烛花不碍空中影，晕气疑从月里看。
为语东风暂相借，来宵还得尽余欢。

新年作

唐·刘长卿

乡心新岁切，天畔独潸然。
老至居人下，春归在客先。
岭猿同旦暮，江柳共风烟。
已似长沙傅，从今又几年。

新年

唐·无可

燃灯朝复夕，渐作长年身。
紫阁未归日，青门又见春。
掩关寒过尽，开定草生新。
自有林中趣，谁惊岁去频。

新年呈友

唐·许棠

一月月相似，一年年不同。
清晨窥古镜，旅貌近衰翁。
处世闲难得，关身事半空。
浮生能几许，莫惜醉春风。

除夜雪

宋·陆游

北风吹雪四更初，嘉瑞天教及岁除。
半盏屠苏犹未举，灯前小草写桃符。

双雁儿·除夕

宋·杨无咎

穷阴急景暗推迁。减绿鬓，损朱颜。
利名牵役几时闲。又还惊，一岁圆。
劝君今夕不须眠。且满满，泛觥船。
大家沉醉对芳筵。愿新年，胜旧年。

双调·寿阳曲·新年来

元·贯云石

新年来，旧年去，新年来时旧年去。
百岁光阴能有几？在家中也要早起。

凤城新年辞

清·查慎行

巧裁幡胜试新罗，画彩描金作闹蛾。
从此剪刀闲一月，闺中针线岁前多。

壬寅除夜

宋·戴复古

今夕知何夕，满堂灯烛光。
杜陵分岁了，贾岛祭诗忙。
横笛梅花老，传杯柏叶香。
明朝贺元日，政恐雨相妨。

除夕

明·德祥

五十明朝是，兹宵不得眠。
杯盘分节序，火炬照村田。
春色来何处，梅花在目前。
自然添白发，岂为惜流年。

除夜

唐·来鹄

事关休戚已成空，万里相思一夜中。
愁到晓鸡声绝后，又将憔悴见春风。

除夜

唐·白居易

岁暮纷多思，天涯渺未归。
老添新甲子，病减旧容辉。
乡国仍留念，功名已息机。
明朝四十九，应转悟前非。

除夜(二首)

唐·姚合

衰残归未遂，寂寞此宵情。
旧国当千里，新年隔数更。
寒犹近北峭，风渐向东生。
谁见长安陌，晨钟度火城。

殷勤惜此夜，此夜在逡巡。
烛尽年还别，鸡鸣老更新。
雉声方去疫，酒色已迎春。
明日持杯处，谁为最后人。

除夜

宋·文天祥

乾坤空落落，岁月去堂堂。
末路惊风雨，穷边饱雪霜。
命随年欲尽，身与世俱忘。
无复屠苏梦，挑灯夜未央。

除夜

唐·元稹

忆昔岁除夜，见君花烛前。
今宵祝文上，重叠叙新年。
闲处低声哭，空堂背月眠。
伤心小儿女，撩乱火堆边。

除夜

唐·白居易

岁暮纷多思，天涯渺未归。
老添新甲子，病减旧容辉。
乡国仍留念，功名已息机。
明朝四十九，应转悟前非。

除夜

唐·尚颜

九冬三十夜，寒与暖分开。
坐到四更后，身添一岁来。
鱼灯延腊火，兽炭化春灰。
青帝今应老，迎新见几回。



岁朝欢庆图 清·姚文瀚作

除夜作

唐·高适

旅馆寒灯独不眠，客心何事转凄然。
故乡今夜思千里，愁鬓明朝又一年。

岁除夜会乐城张少府宅

唐·孟浩然

畴昔通家好，相知无间然。
续明催画烛，守岁接长筵。
旧曲梅花唱，新正柏酒传。
客行随处乐，不见度年年。

除夜太原寒甚

明·于谦

寄语天涯客，轻寒底用愁。
春风来不远，只在屋东头。

除夜有怀

唐·崔涂

迢递三巴路，羸危万里身。
乱山残雪夜，孤烛异乡人。
渐与骨肉远，转于僮仆亲。
那堪正飘泊，明日岁华新。

岁夜咏怀

唐·刘禹锡

弥年不得意，新岁又如何？
念昔同游者，而今有几多？
以闲为自在，将寿补蹉跎。
春色无情故，幽居亦见过。

除夜对酒赠少章

宋·陈师道

岁晚身何托，灯前客未空。
半生忧患里，一梦有无中。
发短愁催白，颜衰酒借红。
我歌君起舞，潦倒略相同。

岁除夜

唐·罗隐

官历行将尽，村醪强自倾。
厌寒思暖律，畏老惜残更。
岁月已如此，寇戎犹未平。
儿童不谳事，歌吹待天明。

除夜有怀

唐·杜审言

故乡当此节，新年把烛迎。
冬气恋虬箭，春色候鸡鸣。
兴尽闻壶覆，宵阑见斗横。
还将万亿寿，更谒九重城。

应诏赋得除夜

唐·史青

今岁今宵尽，明年明日催。
寒随一夜去，春逐五更来。
气色空中改，容颜暗里回。
风光人不觉，已著后园梅。

除夜长安客舍

宋·欧阳詹

十上书仍寝，如流岁又迁。
望家思献寿，算甲恨长年。
虚牖传寒柝，孤灯照绝编。
谁应问穷辙，泣尽更潸然。

除夜宿石头驿

唐·戴叔伦

旅馆谁相问，寒灯独可亲。
一年将尽夜，万里未归人。
寥落悲前事，支离笑此身。
愁颜与衰鬓，明日又逢春。

癸巳除夕偶成

清·黄景仁

千家笑语漏迟迟，忧患潜从物外知。
悄立市桥人不识，一星如月看多时。